

কিবলামুখি প্রার্থনা

Shah Mohammad Fahim

October 13, 2013

সারা দিনের ক্লান্তি এসে নামে কিষাণের উঠানে
নুয়ে পড়া কলাপাতার মত
স্থির সতর্কঅন্ধকারের চাহনি,
দূরের ঘরগুলি সব ঘুমিয়ে পড়েছে
শুধু সজাগ তুমি আমি,
শেষ রাতের প্রেম শেষে
এসো জায়নামাজ বিছাই ধান শুকানো উঠানে।

ঝুম বৃষ্টিতে ভিজে একাকার দোয়েলের মত
চল আশ্রয় খুঁজি কিবলামুখি প্রার্থনায়,
বসন্তের নতুন পাতায়
জমে থাকা শিশির বিন্দুর মত
তোমার দু'গালে লেগে থাক তাকওয়ার অশ্রু,
সশংক চিত্তে তুলে ধরা দু'হাতের দোয়ায়
দুনিয়ার বুকেই খুলে যাক জান্নাতের দুয়ার।